

中國方志叢書·華中地方·第八八號

據 余誼密等修·鮑實等纂
民國八年石印本

影印

安徽省

蕪湖縣志

(二)


成文出版社有限公司印行

sk118/13



10098029

3919559



中國方志叢書·華中地方·第八八號

據 余誼密等修·鮑實等纂
民國八年石印本

影印

安徽省

蕪湖縣志

(三)


成文出版社有限公司印行

sk118/13



10098030

39 5560 书



中華民國五十九年五月臺一版

蕪湖縣志

全三冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

蕪湖縣志卷三十五

實業志

商業

錢業道光間票號十數家錢業十餘家市面不及灣汴出進以現銀無滙劃同治及光緒初年通用二七寶規元它紋西票吳票本洋制錢英洋每年出入約百餘萬至光緒二十年以後漸臻發達錢業至二十三家出進滙劃至一千三百餘萬以米欸為大宗宣統間金融停頓驟然縮小光復以後稍稍起色今在公所者二十一家大致通用二七紋規元漢估寶銀元銅元鈔票數種每年出進三百餘萬比較光緒季年相差甚遠非因商務縮小蓋自銀行開設大宗營業多被吸收也

銀行光緒末年始設大清分行旋增設裕皖裕甯兩官錢局除收官欸外兼及營業光復後均廢民國元年由本省設臨時中華銀行二年因兵

事停歇三年設中國銀行為國家金庫專收全省丁漕釐金關稅及信用之銀圓鈔票並辦理營業上各種匯兌押款四年設交通銀行代理國家金庫兼辦營業

米業嘉道間本埠礮坊二十餘家在倉前鋪地名大礮坊者居多大概供

本地食米間有客船裝運鄰省市面實不若灣汴及魯港也

以今米幫尚

通用舊斛較法斛大二升光緒初仍並用之通商以後輪運出口如是

今不通行蓋當日米市以該二埠為標準也

有廣潮煙甯等幫販運廣東汕頭煙台甯波等處銷售光緒二十四年

至三十年出口數多至五百餘萬担少亦三四百萬担民國以來捐稅

既多運費加重是以鄰近之米相率徑往浦口通州等處銷售不由蕪

埠出口數年以來統計每歲不過二百萬担左右今昔相差幾逾半數

惟本年春間出口增加與光緒季年埒廣潮煙甯等幫昔有五十餘家

今所存者二十六家礮坊百餘家今存五十餘家每歲進稻不過五六

十萬担江廣米行雖額定四十三家今僅存三十九家此外南市米行三十餘家東市十餘家西市河南北二十餘家北市十餘家尚無大出入惟機器礱坊頗有進步現已開設七八家共有機器數十部每歲可碾米六十餘萬担機器麵坊一家除供本埠食用外尚能運銷外埠此外菜子花生米如年歲較豐出口有多至二十餘萬石者

布業同治間批發店僅數家全埠營業通年不過數十萬自通商以後洋貨絲綢均由本埠入口加以人烟繁盛由是布業日形發展內河外江一帶俱來本埠販運全埠營業恒達五百餘萬元近因米市衰落較為減色而貨價加高自表面觀之尚無大出入本年在商會註冊者六十四家其在公所直接由滬杭進貨者祇二十餘家又布行三家專售疋頭以洋貨為大宗每年營業約五十餘萬元惟本地機坊所織土布大有進步向來布疋俱由外省運入今則來貨無幾而土產之布尚能發

銷外埠足以相抵而有餘也

絲業同治間涇縣青陽各處蠶桑甚少故有漢口絲貨來蕪嗣後則專以甯池為來源近年池甯產繭由大通出口歸本埠完關者達五千餘担本邑所產之絲每年不過二千兩光緒二十年後本埠絲店為極盛時代共計十餘家每年營業達百萬元光復後取銷辦線其餘欄杆繩辦花絨洒線腰褲各帶均不合時尚遂致墮落今存者七家商會註冊者祇五家營業僅及盛時十分之二云

茶業嘉道間本埠銷場微細不及灣沚光緒初漸次發展至三十年左右計有店舖十二家每年營業共二十萬上下其源皆來自涇太徽州等處近因貨價加昂售錢較多實則銷貨與前仍彷彿也本年在商會註冊者共十一家又花園現有二十九家蒔植各種花卉而以珠蘭為大宗其花俱由茶業收買以為窖製茶葉之用

菸業分生熟兩種生貨專以販運菸草銷售外埠熟貨則加人工創製品類甚多營業以光緒間為最盛本埠創工達三百餘人比年以來生意漸落一以稅率及貨價太高一以煙捲充斥全埠共二十八家每年營業不過十餘萬元惟皮絲一項來自福建銷路較前發展云

典業嘉道間十二三家光緒間七家每家架本十餘萬利率定章二分滿期二十四月宣統間因銅元損折相繼歇業僅存四家嗣改用銀圓較為平穩改革後因地方數見兵事一律收歇民國七年二街開設一家本年北門內河南各增設一家利息加至三分滿期十八月俱改典為質云

京廣洋貨現共有店舖二十六家商會註冊者十五家貨源多數來自上海南京蘇州廣東等處貨類共有三千餘種最暢銷者為中日火柴紙烟英美煤油德美日玻璃中英美洋燭日本洋傘

按日本傘質料單薄最易毀壞而人爭購

之民國元年進口五萬柄二年七萬餘柄三
年十三萬餘柄近更有加無減殊可驚也 各色為大宗毛巾機器線
襪初皆洋貨近來悉為國產銷場除本埠外如外江廬州巢縣三河內
河甯國徽州各處均來本埠販運光緒二十年後營業每年約五六百
萬元民國至今不過三百萬元因關稅過重銷場減小又以歐戰來貨
阻滯是以日形短絀也

綿紗自本埠有織布織巾織襪等業以來進口日多據前年海關報告自
日本運來者二萬六千餘担印度運來者二萬一千餘担販紗之店計
二十餘家除子口分運外多數在本地銷售近來有人集合資本在西
江沿獅子山下開設裕中紗廠業已建築廠屋安置機器擇日開工誠
挽回利權之策也

煤油向用小鐵瓶由滬運來堆積河南油棧民國間美孚公司於弋磯山
北建築大油池二座每座可容五千噸亞細亞公司亦建有二座每座

可容五百噸改用散艙轉運迅速外江內河各市鎮均由蕪轉運惟銷場究為減色因受歐戰影響運費加昂來源不易本埠電燈亦以煤油價貴之故日見發達該公司自光緒三十四年開辦以來常年不過三四千盞近增至一萬餘盞亦煤油減銷之一原因也

煤炭業在光緒初年僅有湖南寶慶藍田之煤運蕪發售專為煨鐵之用嗣有小輪往來需用煙煤則皆購用舶來品也迨後木柴漸貴館店作坊改用者多其始亦僅用湖南柴煤光緒季年政府提倡實業准人開鑛吾皖之池州宣城繁昌等處遂有人相繼稟請開採柴煤來源因以日漸擴充鼎革以後鑛務大興出產豐富湖北之萍鄉天津之開灤山東之嶧縣舟車轉運以至蕪者絡繹不絕均係上等煙煤駕乎舶來品上以致洋煤進口遂絕近來本埠開設公司行號運售煤炭者計十餘家每日共計銷售各種煤炭平均約三百噸云

鹽業自曾文正督兩江時規定鹽章將淮鹽分為湘鄂贛皖四岸皖岸設督銷於大通抽籤賣票共有二百四十張商人持票完稅照辦至光緒間添票一百餘張運銷到岸每票九百六十包分為皖北皖南兩岸各岸均設鹽行是時蕪埠有行二家嗣添設兩家現由四家合成一家性質係為代商買賣每包行用銀五分咸同間每年代銷四十餘票至宣統間改銀為洋每包行用八分每年代銷八十餘票舊志云歲銷額引一萬二千三百十引每年詳請鹽院撥掣行銷題定考成與正額錢糧一例向無鹽棧商人運鹽到岸即在船銷售同治九年創造鹽倉代商儲蓄每月租金四千八百文現改為每票每月四元八角鹽店於光緒初設有十六家以後逐漸增加今有百餘家約共每年銷售十餘票蕪湖鹽局今改稱權運分局徵收鹽釐發給水成及子店告示以便稽考並設緝私以防私帶外岸如宣城灣沚和州梁山太平五岸由蕪酌派

如有需食來蕪運往

硝磺前清例禁販賣各花爆鋪需用時須在縣署備文申明撫憲方許採辦光緒十八年始有硝磺局之設每年先呈繳官署銀數千兩設總局於省垣設分局於蕪湖由官發賣名官硝磺局宣統二年始將總局移至蕪湖呈繳官利一萬元每年額硝三千餘担蕪埠約銷四百担獲利為十分之三以供開支用費云

雜貨同治初金馬門外興隆街及江口畧有雜貨號數家汕頭白赤糖係由東壩運來油及雜貨有運自漢口九江上海者迨光緒初設立新關輪運便捷於是雜貨業日漸發展十年約有十九家每年營業達百餘萬繼而各種車糖進口有加無已常年二十餘萬担遂將國產之汕頭糖減銷至十分之三三十年左右共有二十餘家每年營業達三百萬民國至今有號三十一家連門市店在商會註冊五十家凡外江內河

各鎮均由蕪販運海貨共計四百餘種以海參魚翅銷場為大邇來日本貨居多以其價廉故爭購之實不及國產之佳也茶食銷場以桂圓荔枝金腿為最雜貨行十三四家代辦雜貨並各種果品變蛋初皆自外運來今本地設坊二家每年能製四百萬顆除本埠應市外尚能運銷廣東山東臺灣等處

紙業同治間僅有十二家貨源大都來自江西及吳城鎮光緒初漸有起色共有紙號十六家每年營業約二十餘萬始設箔坊一家嗣於河南增設一家常川能容箔工二百七十人為全皖之冠自宣統至今紙價頗漲機製各色洋紙日形充斥銷場亦因之發展除襍貨業代賣外共有紙號二十家每年營業共五十餘萬兩尤以批發外鎮為大宗云
潛醬業光緒初年共二十餘家嗣以戶口日繁逐漸加增本年在商會註冊者共計三十六家其自行釀酒者十八家常年營業約共四十萬元

惟近以捐稅過重城鄉不均銷場滯澀因之燒鍋日見減少

染坊光緒初僅數家近以土布出場甚多除機坊自染外現共有十餘家所染印花及各種顏色絲綢工藝之進步甚速營業亦因之發展惟顏料日漸加昂尤以靛為大宗本埠共有靛行十餘家自歐戰後每桶四五元漲至二十八九元有存貨者其利自厚而染業以貨底太貴之故遂為之減色矣又大紅頭繩為舊日馳名物產稱為紅坊以所染紅色為最佳也自洋繩入口遂漸式微今存五六家均代織染紗帶不能專為一業矣

銅為舊日馳名物產咸豐後尚存鍊坊十四家均極富厚自洋銅入口漸就消滅前亦馳名物品今魯港及本埠翦工達數百人過蕪者莫不購歸以為贈品蓋以尖利耐久非他處可及也鐵花雖無湯天池之神工而衣鉢傳流精巧者亦自不乏甚至可以亂真遠方仍爭購之冶坊一

家鼓鑄金甌農具及鐘鼎器皿足備一邑之用並行銷附近各處鐵廠
三家修理機器配製機件並能仿造簡單機器五金號二家運售各種
機製金類器具此外銅錫工作甚多而設肆於市者五家蓋以行銷江
北內河為大宗云

銀硃為蕪湖馳名物產舊志稱用石橋港水煉成光緒初尚有硃坊一家
後遂絕跡夫硃為礦物何以用石橋港水最佳此中化合惜無人能道
其詳者銅綠亦舊化學物品原料用紫銅糯米粗糠造成嘉道時業此
者十八家作工恒達百餘人銷場以染紙為大宗次則染沙魚皮各器
皿及青鹽作染食品行銷外埠遠及關東自洋綠入口加以原料昂貴
此業遂一落千丈今存者僅三家併合一坊惟畫工及珍貴物品尚用
之餘皆利洋綠之價廉也

木業光緒初有棚十家來源為江西湖南二處湖南稱為苗木價值較高

光緒二十八九年間開闢租界馬路銷場較大共有棚三十餘家宣統至今約十二三家南岸五家河北六七家因江北各處自到江西辦貨且苗木來源不易是以營業不振也此外木行南北岸現有二十三家俱為代客買賣行用零市五分批發三分又內河木行四五家係代售甯國所產之松木杉木及各項樹料竹棚十家專售皮木毛竹現以草屋較少江北自往涇太運貨營業亦遜於前

藥業現在商會註冊者二十八家營業較前發展半由貨價加昂之故其川廣藥材內河外江一帶俱來蕪販運此外藥房六七家均係由滬運來新法製成熟藥也

日用食物以豬肉銷場為大光緒三十年左右宰戶計共百餘家宣統間八十餘家民國至今六七十家以捐稅甚重價值加昂食者遂為之減少也耕牛向禁屠宰通商後外國僑民漸多食所必需遂為弛禁現有

宰戶七家業此者俱係回民羊肉冬季上市春深即停業銷場微細鴨行共有七家每年約銷三十萬隻以運銷南京上海為大宗蛋行八家每年約銷鴨蛋二百萬顆鷄蛋三百萬顆內南岸打蛋廠約銷半數亦有零星運往上海者柳坊五家春夏間以火炕出小鷄鴨每年約百餘萬隻魚蟹行五家裝運鮮魚及蟹銷售漢口南京上海等處夏時以水覆之每年營業約十萬餘元云